

0.0.1 chiggalasuttaṃ

1. seyyathāpi bhikkhave, puriso mahāsamudde ekacchiggalam yugam¹ pakkiheyya. tatrassa² kāṇo kacchapo. so vassasatassa vassasatassa accayena sakim ummujeyya. taṃ kimmaññatha bhikkhave, api nu so kāṇo kacchapo vassasatassa vassasatassa accayena sakim sakim ummujjanto amusmiṃ ekacchiggale yuge gīvaṃ paveseyyāti³ ? yadi nūna bhante, kadāci karahaci dīghassa addhuno accayenāti.

2. khippataram kho so bhikkhave, kāṇo kacchapo vassasatassa vassasatassa accayena sakim sakim ummujjanto amusmiṃ ekacchiggale yuge gīvaṃ paveseyya, nattevāhaṃ bhikkhave, sakim vinipātagatena⁴ bālena manussattaṃ vadāmi.

3. taṃ kissa hetu: nahettha bhikkhave, atthi dhammacariyā puññakiriyā. aññamaññakhādikā ettha bhikkhave, vattati dubbalakhādikā. taṃ kissa hetu; adiṭṭhattā bhikkhave, catunnaṃ ariyasaccānaṃ. katame sam catunnaṃ: dukkhassa ariyasaccassa dukkhasa-mudayassa ariyasaccassa dukkhanirodhassa ariyasaccassa dukkhanirodhagāminī paṭipadāya ariyasaccassa.

¹ekamjiggalayugam-sī 1.

²tatrāpissa-machasaṃ, syā.

³pavisissāti-sīmu, sī 1, 2.

⁴vinipātaṃgatena-sī 1, 2.

4. tasmātiha bhikkhave, idaṃ dukkhanti yogo karaṇīyo ayaṃ dukkhasamudayoti yogo karaṇīyo ayaṃ dukkhanirodhoti yogo karaṇīyo ayaṃ dukkhanirodhagāminī paṭipadāti yogo karaṇīyoti.